

Ilaqutariinnermut Inatsisinillu atortitsinnermut Naalakkersuisoq  
Landsstyremedlem for Familie og Sundhed



Inatsisartunut ilaasortaq  
Otto Jeremiassen  
Siumut

**Pisortat ikiorsiissutaat aammalu isumaginninnikkut tunniuttakkat, akissarsiaqarluni sulilernissamut sunniutigisartagaat.**

26.03.2008  
J.nr.01/20 2008

Allakkatigut 11. marts 2008-imeersutigut Inatsisartunut ilaasortaq Otto Jeremiassen Inatsisartut suleriaasissaani § 36, imm. 1 naapertorlugu pisortat ikiorsiissutaat aammalu isumaginninnikkut tunniuttakkat, akissarsiaqarluni sulilernissamut tunngavissaqartitsinnermut sunniutigisartagaat pillugit apeqquteqarpoq.

Postboks 260  
3900 Nuuk  
Oq/tel +299 34 50 00  
Fax +299 32 45 47  
[ilapi@gh.gl](mailto:ilapi@gh.gl)  
[www.nanoq.gl/ilapi](http://www.nanoq.gl/ilapi)

Ilaqutariinnermut Peqqinnissamullu Naalakkersuisoqarfiup apeqqutigisat pisortat ikiorsiissutaannut tunngasoq paasivaa.

Pisortat ikiorsiissutaat pillugit Inatsisartut peqqussutaat nr. 15, 20. november 2006-imeersumi §§ 7 aamma 8 tunngavigalugit kommunalbestyrelsi tassaavoq pisortat ikiorsiissutaannik pisartagaqalernissamut piginnaatitaasoqarneranik aalajangiisartussaq. Kommunit pisussaatitaapput paasissutissat ullumikkorpiaq pigineqartut, inunnut ataasiakkaanut tunngasut sukumiisullu tunngavigalugit missingersuinissamut. Ilaqutariit pisortat ikiorsiissutaannik tunineqarnissamut tunngavissaqarnersut nalilernissaanut immersugassamik kommunit atorsinnaasaannik malittarisassaqqanngilaq aalajangersagaqarnaniluunniit. Aporfissaqqanngilarli paasissutissat pisariqartinneqartut katersornissaannut nalilersuinissamut immersugassamik kommunit atuerusussappata, ilaqutariit ikiortariaqarnerannik sukumiisumik ilaqutariinnullu ataasiakkaanut tunngatillugu missingersuisoqartartillugu.

Pisortat ikiorsiissusiuttagaak akileraarutaasussaataaangillat, kisiannili isertitanut akileraarutaasussaataasunut ilaallutik naatsorsuisarnerit ilaannut tunngatillugu. Tassa taamaappoq isumaginninnikkut tunniuttakkanut isertitatigut apeqquserneqartartunut tunngatillugu, taakku naatsorsorneqartarmata isertitat akileraarutaasussaasut annertussusiat tunngavigalugu, assersuutigalugu ineqarnermut tapiissutit, meeqqanut tapiissutit, ulluunerani paaqqinnittarfinnut akigitat il.il.

Isumaginninnikkut tunniuttakkat killilersorneqaraangata susassaqqarfinnut allanut ajortumik ajunngitsumillu sunniuteqarnissaat siumut isiginiarneqanngitsoorsinnaanngilaq. Taakku ilaat ataaseq tassaavoq, soorlu Inatsisartunut ilaasortap Otto Jeremiassenip tikkuareeraa sulilernissamut kajumilersitsinissaq pisortanit isumagineqartarneq qimallugu.

Akissarsiaqarluni sulilernissamut kajumilersitsinissap salliutinneqartarnissaa Naalakkersuisut tamatigut isiginiartarpaat. Assersuutigalugu makku taaneqarsinnaapput,

1. Pisortat ikiorsiissutaat isertitanut akileraaruteqaataasussatut naatsorsorneqartarput. Imaappoq isumaginninnikkut tunniuttakkat, pisortat ikiorsiissutaannik pisartagaqartussaataitaagaluaaraanniluunniit, annikinnerpaanik akissarsiaqarluni isertitallu nikingassuteqangaangillat.
2. Pisortat ikiorsiissutaat pillugit Inatsisartut peqqussutaanni nr. 15-imi 20. november 2006-imeersoq § 14 –imik ilaneqarpoq, ajornartinnagu sulilernissamut kajumissaataasusseq, ullut ataasiakkaat piffissalluunniit sivikitsukkuutaat pineqaraluarpataluunniit.

Inussiarnersumik inuulluaqqusillunga/  
Med venlig hilsen

Arkalo Abelsen